



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16 i 5/22) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2020. GODINU BOSANSKOHERCEGOVAČKE PATRIOTSKE STRANKE – SEFER HALILOVIĆ

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE.....	6
5.1 NALAZI	6
5.2 PREPORUKE.....	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bosanskohercegovačke patriotske stranke-Sefer Halilović za 2020. godinu, finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u novembru 2020. godine i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora u Mostaru, održanih u decembru 2020. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2020. godinu, utvrđeno je da je Bosanskohercegovačka patriotska stranka – Sefer Halilović prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom, odnosno kontrolom finansijskih izvještaja, osim gornjih napomena, nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Bosanskohercegovačke patriotske stranke – Sefer Halilović za 2020. godinu, finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u novembru 2020. godine i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora u Mostaru, održanih u decembru 2020. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2020. godinu, Bosanskohercegovačka patriotska stranka – Sefer Halilović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	2.636,69	2,93
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	13.937,52	15,48
7.	Prihodi iz budžeta (3-f)	73.436,47	81,59
8.	Prihodi od propagande (3-g)	0,00	0,00
I	Ukupni prihodi (1-8)	90.010,68	100,00
II	Ostali prihodi i drugo	0,00	0,00
	Izvori finansiranja (I+II)	90.010,68	100,00

U godišnjem finansijskom izvještaju stranka je iskazala rashode u ukupnom iznosu od 207.457,33 KM.

2. PREDSTAVLJANJE POLITIČKE STRANKE

Naziv političke stranke je Bosanskohercegovačka patriotska stranka – Sefer Halilović. Skraćeni naziv je BPS – Sefer Halilović.

Bosanskohercegovačka patriotska stranka – Sefer Halilović je registrovana kod Kantonalnog suda u Sarajevu, Rješenjem broj: 065-0-Reg-06-001437 od 28.06.2006. godine.

Sjedište političke stranke je u Sarajevu, ulica Čemaluša 6/II.

Lice ovlašteno za zastupanje stranke u 2020. godini je Sefer Halilović, predsjednik stranke.

Lice ovlašteno za podnošenje finansijskog izvještaja za 2020. godinu je Nalvedina Dedagić – Čengiđ.

Prema podacima iz godišnjeg finansijskog izvještaja za 2020. godinu, Bosanskohercegovačka patriotska stranka – Sefer Halilović ima sljedeću organizacionu strukturu:

- Centralu stranke,
- 6 regionalnih odbora,
- 63 općinskih/opštinskih odbora i

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosanskohercegovačke patriotske stranke – Sefer Halilović za 2020. godinu, finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u novembru 2020. godine i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izborima u Mostaru, održanih u decembru 2020. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Bosanskohercegovačke patriotske stranke – Sefer Halilović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava sa posebnim naglaskom na prihode iz budžeta i troškove kampanje.

4. PRETHODNE KONTROLE I REVIZIJE

Pregled i revizija finansijskih izvještaja Bosanskohercegovačke patriotske stranke – Sefer Halilović vršeni su za 2006. i 2019. godinu, nakon kojih su izdati izvještaj o reviziji, odnosno o pregledu, sa mišljenjem revizora, nalazima i preporukama revizije.

Služba za reviziju je izvršila reviziju godišnjeg finansijskog izvještaja Bosanskohercegovačke patriotske stranke – Sefer Halilović za 2019. godinu, nakon koga je izdat izvještaj o pregledu sa nalazima revizije, mišljenjem revizora i preporukama stranci: da finansijska sredstva osigurana za finansiranje političke stranke koristi u skladu sa svojim programom i statutom, te da ih koristi isključivo za ostvarivanje ciljeva političke stranke, da poslovne knjige vodi u skladu sa računovodstvenim propisima, te da obrati pažnju na ispravnost i relevantnost knjigovodstvenih isprava, da uspostavi potpune i pravilne evidencije o prihodima, rashodima i novčanim tokovima i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2020. godinu, utvrđeno je da Bosanskohercegovačka patriotska stranka – Sefer Halilović nije ispoštovala ranije date preporuke.

5. NALAZI I PREPORUKE

5.1 NALAZI

a) Bosanskohercegovačka patriotska stranka – Sefer Halilović nije postupila u skladu sa odredbama člana 4. stav (1) Zakona o finansiranju političkih stranaka¹.

Bosanskohercegovačka patriotska stranka-Sefer Halilović finansijska sredstva trošila je mimo svog plana utroška, te za utrošak dijela finansijskih sredstava nema relevantne dokaze, odnosno potpune i ispravne knjigovodstvene isprave, čime je prekršila odredbe člana 4. stav (1) Zakona o finansiranju političkih stranaka.

(1) Stranka je u godišnjem finansijskom izvještaju iskazala ukupne troškove u iznosu od 207.457,33 KM. U svom Programu utroška sredstava za 2020. godinu, stranka je planirala ukupne troškove u iznosu od 366.360,00 KM.

Analizom Programa utroška sredstava za 2020. godinu, Služba za reviziju je utvrdila da je stranka finansijska sredstva u iznosu od 20.110,28 KM utrošila mimo utvrđenog programa utroška sredstava za 2020. godinu, i to:

- Stranka je prekoračila planirane troškove u ukupnom iznosu od 3.750,28 KM i to: troškove usluga u iznosu od 119,65 KM i troškove plata zaposlenih sa pripadajućim porezima i doprinosima, toplog obroka, prevoza, regresa i sl. u iznosu od 3.630,63 KM.
- U planu utroška sredstava stranka nije predvidjela sljedeće troškove: troškove dnevnica i putnih troškova, troškove advokatskih usluga i sudskih troškova, troškove knjigovodstvenih usluga, troškove održavanja opreme, troškove ostalih zakupa i troškove taksi, novčanih kazni i sl.

Stranka je u 2020. godini navedene troškove ostvarila u ukupnom iznosu od 16.360,00 KM, i to: troškove dnevnica i putnih troškova u iznosu od 4.430,00 KM, troškove advokatskih usluga i sudskih troškova u iznosu od 1.400,00 KM, troškove knjigovodstvenih usluga u iznosu od 590,00 KM, troškove održavanja opreme u iznosu od 2.740,00 KM, troškove ostalih zakupa u iznosu od 1.800,00 KM i troškove taksi, novčanih kazni i sl. u iznosu od 5.400,00 KM.

(2) Uvidom u izvode sa transakcijskog računa, utvrđeno je da je Bosanskohercegovačka patriotska stranka-Sefer Halilović isplatila sredstva fizičkom licu Seferu Haliloviću, predsjedniku stranke, u iznosu od 10.000,00 KM. Stranka je na isplaćena sredstva, u skladu sa poreznim propisima, platila porez i doprinose, kao na lična primanja.

Navedena sredstva, stranka je isplatila na osnovu Ugovor o angažmanu, kojim je utvrđeno da se predsjedniku stranke mjesečno isplaćuje iznos od 2.000,00 KM za troškove obilaska regionalnih i općinskih odbora stranke i troškove reprezentacije u vezi sa istim.

Stranka je dostavila račune sa benzinske pumpe iz Sarajeva kojima opravdala dio sredstava u iznosu od 6.005,83 KM, dok za dio isplaćenih sredstava u iznosu od 3.994,17 KM stranka nema račune. Takođe, računi za gorivo su dostavljeni bez putnih naloga i izvještaja sa putovanja, te se na osnovu samih računa ne može potvrditi da su sredstva utrošena isključivo za ostvarivanje ciljeva utvrđenih programom i statutom stranke.

(3) Uvidom u izvode sa transakcijskog računa i analitičke kartice potraživanja novčanih sredstava od organizacionih odbora stranke utvrđeno je da je Bosanskohercegovačka patriotska stranka

¹ U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

– Sefer Halilović isplatila sredstva fizičkim licima u iznosu od 40.400,00 KM. Stranka nije obračunala i platila poreze i doprinose na lična primanja.

Sredstva su isplaćena predsjednicima nižih organizacionih dijelova, na osnovu akata kojima se daje ovlaštenje fizičkim licima da novčana sredstva od političke stranke, potrebna za finansiranje predizbornih aktivnosti i kampanje, mogu primati preko svojih privatnih računa kod poslovnih banaka. Pored toga, u aktima je naveden i rok za dostavljanje blagajničkih dnevnika na knjiženje Sektoru za računovodstvo i finansije, te ukoliko se blagajnički dnevnici na dostave na vrijeme sredstva po novom zahtjevu neće biti isplaćena.

Uvidom u dokumentaciju, a kojom su pravdana isplaćena sredstva uočen je niz nepravilnosti. Dio novčanih sredstava je pravdan listingom kompanije „Facebook“ o izvršenom plaćanju u ukupnom iznosu od 1.811,59 USD, što približno iznosi 3.019,58 KM². Za navedena plaćanja korištene su Visa i Mastercard nepoznatog vlasnika iako je stranka mogla i sama otvoriti biznis karticu u nekoj od banaka.

Preostali dio isplaćenih sredstava stranka pravda računima za gorivo, ultra kartice, parking i reprezentaciju. Iako stranka u aktu o isplati navodi obavezu dostavljanja blagajničkih dnevnika uz dokumentaciju, isti nisu vođeni. Takođe, iz navedenih računa, a s obzirom da stranka nema putne naloge i izvještaje sa putovanja, ne može se utvrditi da li su sredstva stranke u iznosu od 37.380,42 KM utrošena isključivo za ostvarivanje ciljeva utvrđenih programom i statutom stranke. Pored toga, iako se u aktima o isplati navodi da se sredstva isplaćuju za finansiranje kampanje, na osnovu dokumentacije (računa) se ne može potvrditi da su sredstva utrošena u svrhu kampanje.

b) Stranka je prekršila odredbe člana 5. stav (4) Zakona o finansiranju političkih stranaka.

Pregledom dokumentacije utvrđeno je da članarine koje je prikupio RO BPS-SH SA-GO u iznosu od 348,00 KM u gotovom novcu nisu uplaćena na transakcijski račun stranke, čime su prekršene odredbe člana 5. stav (4) Zakona o finansiranju političkih stranaka.

Uvidom u analitičku karticu prihoda od članarine RO BPS-SH SA-GO i izvode, utvrđeno je da je ovaj odbor ostvario prihod po osnovu članarina u iznosu od 348,00 KM, a iste nije uplatio ni na jedan od transakcijskih računa stranke, a bio je obavezan u roku od 10 dana od dana prikupljanja istih.

c) Bosanskohercegovačka patriotska stranka – Sefer Halilović je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Bosanskohercegovačka patriotska stranka-Sefer Halilović nije uspostavila potpune i pravilne evidencije o rashodima i obavezama političke stranke, dio evidencija sačinjen je bez relevantnih knjigovodstvenih isprava ili na osnovu nevjerodostojnih isprava, te obrasce godišnjeg finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16)-u daljem tekstu: Pravilnik, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Uvidom u poslovne knjige stranke utvrđeno je da iste nisu vođene na način kako bi bilo moguće pratiti troškove nastale utroškom sredstava koja su isplaćena fizičkim licima, kao i to da je stranka evidentirala poslovne promjene na osnovu nevjerodostojnih knjigovodstvenih isprava.

² Sredstva u dolarima preračunata u KM po srednjem kursu na dan 31.10.2020. godine i 13.11.2020. godine. Kursna lista Centralne banke Bosne i Hercegovine.

Stranka je na osnovu akata o isplati novčanih sredstava fizičkim licima isplatila sredstva u iznosu od 40.400,00 KM i na osnovu ugovora o angažmanu sredstva u iznosu od 10.000,00 KM.

Dio troškova u iznosu od 3.994,17 KM je evidentiran bez knjigovodstvenih isprava, dok su preostali troškovi, suprotno računovodstvenim propisima, evidentirani na osnovu nevjerodostojne knjigovodstvene dokumentacije, te se ne može pouzdano utvrditi da su usluge izvršena za političku stranku.

Takođe, dio račune za troškove goriva stranka je evidentirala na troškove goriva za stranačke skupove, a jedan dio na troškove predizbornih skupova.

Sva lica koja su trošila sredstva političke stranke, imala su obavezu da svaki trošak opravdaju ispravnim računima, odnosno relevantnim knjigovodstvenim ispravama, da bi politička stranka u poslovnim knjigama i finansijskom izvještaju iskazala stvarne troškove.

(2) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune i tačne evidencije o rashodima, te ih nije iskazala u godišnjem finansijskom izvještaju u obrascima 4 (rashodi političke stranke), 4.1 (režijsko-administrativni i ostali troškovi) i 4.2 (troškovi kampanje), čime je prekršila odredbe člana 21., 22. i 23. Pravilnika.

- Kontrolom troškova propagande utvrđeno je da stranka troškove za oglašavanje plaćene kompaniji „Facebook“ u približnom iznosu od 3.019,58 KM nije prijavila u okviru troškove propagande, što je suprotno odredbama člana 21. i 23. Pravilnika. Nastale troškove stranka je imala obavezu prijaviti u obrascu 4.2 finansijskog izvještaja.
- Stranka je u 2020. godini isplatila i u poslovnim knjigama evidentirala isplate dnevnica posmatračima u iznosu od 4.430,00 KM, a na iste nije obračunala porez i doprinose. S obzirom da je riječ o isplatama fizičkim licima koja nisu zaposlena u stranci, iste imaju karakter ličnih primanja na koja je stranka bila obavezna izvršiti obračun poreza i doprinosa i iste evidentirati u svojim poslovnim knjigama.
- Na osnovu službenih podataka Općine Kalesija utvrđeno je da stranka koristi poslovne prostorije u vlasništvu navedene općine uz mjesečni zakup u iznosu od 15,00 KM³, odnosno 180,00 KM na godišnjem nivou, a što stranka nije evidentirala i iskazala u finansijskom izvještaju.

(3) Uvidom u poslovne knjige, službene evidencije i izvode otvorenih stavki utvrđeno je da stranka nema tačne podatke i evidencije o svojim obavezama.

-U finansijskom izvještaju i poslovnim knjigama stranka je iskazala obavezu prema dobavljaču „Tehnograd-company“ doo Tuzla u iznosu od 1.172,68 KM, dok je uvidom u izvod otvorenih stavki na dan 31.12.2020. godine utvrđeno da navedeni dobavljač potražuje sredstva u iznosu od 1.650,00 KM.

-Uvidom u službene podatke Općine Kalesija, utvrđeno je da je stranka u 2020. godini uplatila općini zakupninu u iznosu od 135,00 KM, te da neplaćena obaveza iznosi 45,00 KM. Stranka u poslovnim knjigama nije evidentirala i u godišnjem finansijskom izvještaju nije iskazala obavezu prema Općini Kalesija u iznosu od 45,00 KM.

³ Stranka koristi poslovni prostor vlasništvo Općine Kalesija površine 15m² uz cijeni od 1,00 KM po m².

d) Stranka nije, u skladu sa odredbom iz člana 4.4 stav (1) Izbornog zakona BiH, otvorila poseban transakcijski račun za finansiranje izborne kampanje.

Stranka je prijavila redovni transakcijski račun stranke kao transakcijski račun za posebne namjene. U skladu sa odredbama člana 4.4 stav (1) Izbornog zakona BiH, stranka je bila obavezna otvoriti i namjenski koristiti račun za finansiranje izborne kampanje.

Taksu za ovjeru za učešće na Lokalnim izborima i Lokalnim izborima u Mostaru održanim 2020. godine, politička stranka je, suprotno odredbama Pravilnika o prijavi i uslovima za ovjeru političkih subjekata za učešće na Lokalnim izborima 2020. godine, uplatila sa redovnog transakcijskog računa, putem koga je vršila transakcije prije uplate takse.

Stranka je u Prijavi za ovjeru političke stranke za učešće na izborima navela podatke o redovnom računu stranke. Putem tog računa stranka je, pored transakcija vezanih za izbornu kampanju, obavljala i druge transakcije.

Troškovi kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Bosanskohercegovačka patriotska stranka-Sefer Halilović je u svrhu izborne kampanje za Lokalne izbore 2020. godine mogla da potroši sredstva u iznosu od 436.232,40 KM, a u svrhu izborne kampanje za Lokalne izbore u Mostaru 2020. godine mogla je da potroši sredstva u iznosu od 6.051,84 KM.

Bosanskohercegovačka patriotska stranka-Sefer Halilović u godišnjem finansijskom izvještaju za 2020. godinu iskazala je troškove propagande u iznosu od 35.526,31 KM.

5.2 PREPORUKE

Preporučuje se Bosanskohercegovačkoj patriotskoj stranci – Sefer Halilović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva obezbijedena za finansiranje stranke koristi u skladu sa utvrđenim programom utroška sredstava i za ostvarivanje ciljeva političke stranke,***
- ***da članarine prikupljene putem blagajne uplaćuje na transakcijski račun stranke u zakonskom roku od 10 dana,***
- ***da poslovne knjige vodi u skladu sa računovodstvenim propisima, da poštuje računovodstvena načela i da obrati pažnju na ispravnost i relevantnost knjigovodstvenih isprava,***
- ***da uspostavi potpune, tačne i pravovremene evidencije o rashodima i obavezama,***
- ***da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i***

⁴ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da poštuje odredbe Izbornog zakona BiH i podzakonskog akta Centralne izborne komisije BiH, kojim se uređuje otvaranje namjenskog računa i njegovo korištenje isključivo za finansiranje izborne kampanje.*

KOMENTAR:

Bosanskohercegovačka patriotska stranka-Sefer Halilović se očitovala na nalaze revizije date u Preliminarnom izvještaju o pregledu godišnjeg finansijskog izvještaja za 2020. godinu.

U očitovanju stranka je dostavila dokumentaciju o otkazivanju ugovora o zakupu poslovnih prostora za općinske odbore stranke i ispravljene obrasce finansijskog izvještaja za 2020. godinu.

Služba za reviziju je uvažila sve argumentovane primjedbe stranke, te je korigovala nalaze revizije iz Preliminarnog izvještaja o pregledu u dijelu koji se odnosi na nenovčanu donaciju Udruženja „Ključki biseri“ i netačno iskazanim troškovima zakupa.

šef Odsjeka za revizijske poslove

Sanja Tošović

revizor

Veliborka Kenjić

šef Službe za reviziju

Mr.sc Hasida Gušić